



სსიპ საქართველოს ტექნიკური უნივერსიტეტის
აკადემიური საბჭო
დადგენილება №01-05-02/118

ქ. თბილისი

14 სექტემბერი 2022 წ.

„საქართველოს ტექნიკური უნივერსიტეტის პროფესიული
საგანმანათლებლო პროგრამის
ხელმძღვანელის სტატუსის შესახებ

„უმაღლესი განათლების შესახებ“ საქართველოს კანონის 21-ე მუხლის პირველი პუნქტის, საქართველოს განათლებისა და მეცნიერების მინისტრის 2013 წლის 9 სექტემბრის №133/5 ბრძანებით დამტკიცებული „საჯარო სამართლის იურიდიული პირის - საქართველოს ტექნიკური უნივერსიტეტის წესდების“, პროფესიული საგანმანათლებლო პროგრამების ცენტრის უფროსის 30 აგვისტოს №965205 სამსახურებრივი ბარათის და აკადემიური საბჭოს 2022 წლის 14 სექტემბრის №01-05-02/25 ოქმის საფუძველზე საქართველოს ტექნიკური უნივერსიტეტის აკადემიურმა საბჭომ დაადგინა:

1. დამტკიცდეს დებულება „საქართველოს ტექნიკური უნივერსიტეტის პროფესიული საგანმანათლებლო პროგრამის ხელმძღვანელის სტატუსის შესახებ“ და ჩამოყალიბდეს ამ დადგენილების დანართის შესაბამისად.
2. წინამდებარე დადგენილება ძალაში შევიდეს გამოქვეყნებისთანავე.
3. დადგენილება შეიძლება გასაჩივრდეს გამოქვეყნებიდან 1 თვის ვადაში თბილისის საქალაქო სასამართლოში, ადმინისტრაციულ საქმეთა კოლეგიის მეშვეობით, მდებარე ქ. თბილისი, დავით აღმაშენებლის ხეივანი მე-12 კმ, №64.

აკადემიური საბჭოს თავმჯდომარე

დ. გურგენიძე

აკადემიური საბჭოს მდივანი

ი. კუტუბიძე

დებულება

საქართველოს ტექნიკური უნივერსიტეტის პროფესიული საგანმანათლებლო პროგრამის ხელმძღვანელის სტატუსის შესახებ

1. სსიპ - საქართველოს ტექნიკური უნივერსიტეტის (შემდგომში - უნივერსიტეტი) პროფესიული საგანმანათლებლო პროგრამის (შემდგომში - პროგრამა) ხელმძღვანელი (შემდგომში - პროგრამის ხელმძღვანელი) არის პროგრამის შინაარსზე, ხარისხზე, განხორციელებაზე და განვითარებაზე პასუხისმგებელი პირი, რომელიც:
 - უძღვება პროგრამის შემუშავებისა და მისი განვითარების პროცესებს;
 - უზრუნველყოფს პროგრამის შესაბამისობას ეროვნულ საკვალიფიკაციო ჩარჩოსთან;
 - უზრუნველყოფს პროგრამით გათვალისწინებული სასწავლო მოდულების შესაბამისობას პროგრამის მიზნებთან და სწავლის შედეგებთან;
 - მონაწილეობს მატერიალურ-ტექნიკური ბაზის (სათანადოდ აღჭურვილი სასწავლო ლაბორატორიები, სალექციო აუდიტორიები, პრაქტიკის ობიექტები, სახელმძღვანელოები და ა.შ.) და პროგრამის (ან მისი რომელიმე კომპონენტის) ურთიერთშესაბამისობის შეფასებაში;
 - პროგრამის განმახორციელებელი პერსონალის, პროფესიული სტუდენტების (შემდგომში - სტუდენტი), კურსდამთავრებულების და სხვა დაინტერესებული პირების მონაწილეობით სისტემატურად განიხილავს პროგრამის განხორციელების პრობლემებს, მიღწეულ შედეგებს და დარგის მოთხოვნათა შესაბამისად პროგრამის განვითარების გზებს;
 - შიდა და გარე შემფასებლებს წარუდგენს პროგრამის დოკუმენტაციას, მათ შორის, პროგრამის განვითარებასთან დაკავშირებულ ღონისძიებების შესახებ ინფორმაციას;
 - კომპეტენციის ფარგლებში წარმართავს პროგრამის დაგეგმვა/შემუშავება/განხორციელება/განვითარებასთან დაკავშირებულ ღონისძიებებს;
 - პროგრამის გაუქმების შემთხვევაში სრულყოფილ დოკუმენტაციას გადასცემს შესაბამის ფაკულტეტის არქივს, კომისიურად, ფაკულტეტის ხარისხის უზრუნველყოფის სამსახურის მონაწილეობითა და მიღება-ჩაბარების აქტის გაფორმებით;
 - ახორციელებს საქართველოს კანონმდებლობით, "საქართველოს ტექნიკურ უნივერსიტეტში მოდულურ პროფესიულ საგანმანათლებლო პროგრამებზე სასწავლო პროცესის მარეგულირებელი წესის", „საქართველოს ტექნიკურ უნივერსიტეტში პროფესიული საგანმანათლებლო პროგრამის შემუშავების, შეფასების და განვითარების წესით“, შესაბამისი ფაკულტეტის დებულებით, „პროფესიული საგანმანათლებლო პროგრამების ცენტრის“ დებულებით და სტუ-ს სხვა სამართლებრივი აქტებით განსაზღვრულ ვალდებულებებს.
2. პროგრამის ხელმძღვანელს უნდა გააჩნდეს პროგრამის შემუშავებისათვის აუცილებელი ცოდნა და გამოცდილება, მისი კვალიფიკაცია უნდა დასტურდებოდეს სფეროს შესაბამისი განათლებით/პრაქტიკული გამოცდილებით.
3. პროგრამის ხელმძღვანელი უნდა მონაწილეობდეს პროგრამის შეფასება-განვითარებაში, ჩართული უნდა იყოს პროგრამის განხორციელებაში, სტუდენტების კონსულტირებაში, პროგრამის ფარგლებში დაგეგმილ სხვადასხვა ღონისძიებებში.

4. პროფესიული საგანმანათლებლო პროგრამის ხელმძღვანელს შემუშავებული უნდა ჰქონდეს პროგრამის განვითარების სტრატეგია და განხორციელების სამოქმედო გეგმა, რომელიც უნდა ითვალისწინებდეს:
 - ა) სტუდენტების მოზიდვის მექანიზმს;
 - ბ) საგანმანათლებლო პროგრამის და მოდულების განვითარების და ობიექტურ ცვლილებებთან ადაპტირების შესაძლებლობებს (მათ შორის: ლიტერატურის განახლება, მეთოდების გამრავალფეროვნება, განმავითარებელი აქტივობებით მხარდაჭერა, ადამიანური კაპიტალის კვალიფიკაციის ამაღლება, ადამიანური და მატერიალური რესურსების განახლება და სხვა);
 - გ) პროფესიულ სტუდენტთა მოსწრების ანალიზს და გაუმჯობესების მექანიზმებს;
 - დ) პროგრამის განმავითარებელი ადამიანური კაპიტალის ახალგაზრდა, პერსპექტიული კადრებით შევსებისა და მათი უნივერსიტეტში დამაგრების მექანიზმებს;
 - ე) პროგრამის განვითარებაში დამსაქმებლების, კურსდამთავრებულების, პროფესიული ასოციაციების, დარგის სპეციალისტებისა და აღიარებული პარტნიორი კოლეგების ჩართულობის გაზრდის მექანიზმებს;
 - ზ) კურსდამთავრებულების დასაქმების ხელშეწყობის ხედვას;
 - თ) პროფესიული საგანმანათლებლო პროგრამის ფინანსური მდგრადობის კონცეფციას;
 - ი) საქართველოს მასშტაბით, კონკურენტ საგანმანათლებლო პროგრამებთან მიმართებაში მოთხოვნადობისა და უპირატესობების შენარჩუნების სტრატეგიას;
 - კ) პროგრამის სტატუსის, წარმატების, განხორციელების და ყველა მნიშვნელოვანი მაჩვენებლის სამიზნე ნიშნულების ამსახველ პროექტს.
5. პროგრამის ხელმძღვანელს, შესაბამისი ფაკულტეტის საბჭოს მოწონებისა და დეკანის წარდგინების საფუძველზე, უნივერსიტეტის ხარისხის უზრუნველყოფის სამსახურის ხელმძღვანელის რეკომენდაციის გათვალისწინებით ამტკიცებს უნივერსიტეტის აკადემიური საბჭო. ახალი პროფესიული პროგრამის შემთხვევაში, საგანმანათლებლო პროგრამისა და მისი ხელმძღვანელის დამტკიცების პროცედურები ხორციელდება ერთდროულად.
6. პროგრამის ხელმძღვანელი მონაწილეობას იღებს პროფესიული საგანმანათლებლო პროგრამების სასწავლო პროცესის მონიტორინგში.
7. პროგრამის ხელმძღვანელი ანგარიშვალდებულია ფაკულტეტის საბჭოსა და აკადემიური საბჭოს წინაშე.
8. პროფესიული პროგრამის ხელმძღვანელს აქვს უპირატესი პასუხისმგებლობა პროგრამაში გაუმართლებელი ხარვეზის არსებობის შემთხვევაზე, რამაც გამოიწვია უარყოფითი გარე შეფასება ან/და რისკის წინაშე დააყენა პროგრამის ავტორიზაციის საკითხი. ამასთან, პროგრამისათვის ავტორიზაციის გაუქმება ავტომატურად იწვევს ამ პროგრამის ხელმძღვანელის სტატუსის შენარჩუნების საკითხის გადახედვას.
9. პროგრამის ხელმძღვანელისთვის მე-8 პუნქტით განსაზღვრული დანამატის გაცემის შეჩერების საფუძველია:
 - ა) ავტორიზებული პროგრამის სტატუსის დაკარგვა;
 - ბ) პროგრამის ხელმძღვანელის სტატუსის შეჩერება/შეწყვეტა.